



REPUBLIKA E KOSOVËS
REPUBLIKA KOSOVA
REPUBLIC OF KOSOVA



KOMUNA E LIPJANIT
OPŠTINA LIPLJAN
MUNICIPALITY OF LIPJAN

KRYETARI I KOMUNËS

Në mbështetje të nenit 58 pika h.) të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr.28 të datës 4 qershor 2008 dhe nenit 40 shkronja h.) të Statutit të Komunës së Lipjanit 15Nr.110-78095 të datës 24.12.2021, Kryetari i Komunes, parashtron këtë:

PROPOZIM

Që duke u bazuar në dispozitat e nenit 12 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr. 28 e datës 4 qershor 2008, nenit 20 par.20.1 të Statutit të Komunës së Lipjanit 15Nr.110-78095 të datës 24.12.2021, nenit 2 paragrafi 4 dhe nenit 10 të Rregullores për ndarjen e subvencioneve 15Nr.011-43473 të datës 28.06.2019 , nenit 2 të Memorandumit të Mirëkuptimit të lidhur në mes të Komunës së Fushë Kosovës, Komunës së Lipjanit, Komunës së Obiliqit, Komunës së Podujevës, Komunës së Prishtinës” dhe Qendrës për Mbrojtjen e grave dhe fëmijëve në Prishtinë, Kuvendi i Komunës në mbledhjen e datës _____2022, të miratojë këtë:

V E N D I M

PËR NDARJEN E MJETEVE FINANCIARE PËR QENDRËN PËR MBROJTJEN E GRAVE DHE FËMIJËVE -STREHIMOREN NË MBROJTJE TË VIKTIMAVE TË DHUNËS FAMILJARE DHE ATYRE TË DHUNËS GJINORE

Neni 1

I. MIRATOHET, Vendimi për ndarjen e mjeteve financiare në shumë prej 3,332.00 € (tre mijë e treqind e tridhjetë e dy euro), për ta mbështetur financiarisht mbulimin e pjesërishëm të shpenzimeve të Strehimores, objekti i së cilës gjendet në Komunën e Prishtinës dhe ju shërben gjashtë Komunave nënshkruese të këtij Memorandumi në mënyrë që strehimorja të kryejë funksionin e saj në mbrojtje të viktimave të dhunës familjare dhe atyre të dhunës gjinore.

II. Ndarja e mjeteve të cekura në pikën I të këtij Vendimi bëhet konform dispozitave të Memorandumit të Mirëkuptimit të lidhur në mes të Komunës së Fushë Kosovës, Komunës së Lipjanit, Komunës së Obiliqit, Komunës së Podujevës, Komunës së Prishtinës” dhe Qendrës për Mbrojtjen e grave dhe fëmijëve në Prishtinë si dhe

kërkesës për mbështetje finansiare të QMGF dërguar nëpërmjet emailit zyrtar me datë 18.07.2022 në të cilën përcaktohet obligimi i komunave të cekura për mbulimin e pjesërishëm të shpenzimeve të strehimores për periudhë tre (3) vjeqare 2020,2021dhe 2022 dhe konkretisht kontributi financiar i Komunës së Lipjanit i kalkuluar për vitin 2022 për strehimoren do të jetë 3,332.00 € (tre mijë e treqind e tridhjetë e dy euro).

III. Shuma e mjeteve të cekura në pikën I të këtij Vendimi do të ndahet nga buxheti i Komunës- kategoria ekonomike e subvencioneve dhe transfere të planifikuara për vitin 2022 .

IV. Për zbatimin e këtij Vendimi do të kujdeset Drejtorati për Buxhet dhe Financa.

V. Vendimi hyn në fuqi 7 ditë pas publikimit në faqen zyrtare të Komunës

Arsyetim

Baza ligjore për miratimin e këtij Propozimin- Vendimi është e përcaktuar me dispozitat e nenit 12 të Ligjit për Vetëqeverisjen Lokale Nr.03/L-040, Gazeta Zyrtare e Republikës së Kosovës nr. 28 e datës 4 qershor 2008, nenit 2 paragrafi 4 dhe neni 10 të Rregullores për ndarjen e subvencioneve 15Nr.011-43473 të datës 28.06.2019 , nenit 20 par.20.1 të Statutit të Komunës së Lipjanit 15Nr.110-78095 të datës 24.12.2021, si dhe nenit 2 të Memorandumit të Mirëkuptimit të lidhur në mes të Komunës së Fushë Kosovës, Komunës së Lipjanit, Komunës së Obiliqit, Komunës së Podujevës, Komunës së Prishtinës” dhe Qendrës për Mbrojtjen e grave dhe fëmijëve në Prishtinë si dhe kërkesës për mbështetje finansiare të QMGF dërguar nëpërmjet emailit zyrtar me datë 18.07.2022 në të cilën përcaktohet obligimi i komunave të cekura për mbulimin e pjesërishëm të shpenzimeve të strehimores për periudhë tre (3) vjeqare 2020,2021dhe 2022 dhe konkretisht kontributi financiar i Komunës së Lipjanit i kalkuluar për vitin 2022 për strehimoren do të jetë 3,332.00 € (tre mijë e treqind e tridhjetë e dy euro).

Ndarja e mjeteve të cekura në pikën I të këtij Propozim - Vendimi bëhet konform dispozitave të nenit 2 të Memorandumit të Mirëkuptimit të lidhur në mes të Komunës së Fushë Kosovës, Komunës së Lipjanit, Komunës së Obiliqit, Komunës së Podujevës, Komunës së Prishtinës” dhe Qendrës për Mbrojtjen e grave dhe fëmijëve në Prishtinë për mbulimin e pjesërishëm të shpenzimeve të Strehimores, objekti i së cilës gjendet në Komunën e Prishtinës dhe ju shërben gjashtë Komunave nënshkruese të këtij Memorandumi në mënyrë që strehimorja të kryejë funksionin e saj në mbrojtje të viktimave të dhunës familjare dhe atyre të dhunës gjinore.

Nga të cekurat më lartë kërkojmë nga Kuvendi i Komunës miratimin e këtij Propozim- Vendimi.

1Nr. 400/01-56287
Lipjan, më 14.10 2022

KRYETARI KOMUNËS

Imri Ahmeti





QENDRA PËR MBROJTJEN E GRAVE DHE FËMIJËVE - QMGF
CENTRE FOR PROTECTION OF WOMEN AND CHILDREN - CPWC
Adress: str. Lagjia Ulpiana, rr. Imzot Nike Prela, 50, Prishtinë
Tel&Fax: 00 381 (0) 38 54 54 76
E-mail: qmgf@cpwc.org
Mobil: 00 38344/425/111

Për: Drejtorinë e Shëndetësisë dhe Mirëqenies Sociale-Komuna e Lipjanit

Nga: OJQ "Qendra për Mbrojtjen e Grave dhe Fëmijëve -Prishtinë

Lënda :

K Ë R K E S Ë

I/e nderuar,

Qendra për Mbrojtjen e Grave dhe Fëmijëve është strehimore që ofron shërbime për viktimat e dhunës në familje nga regjioni i Prishtinës dhe më gjerë. Komuna e Lipjanit, ndërvite e ndihmon strehimoren në forma të ndryshme, ndërsa më 25.08.2020. u nënshkrua Memorandumi i Mirëkuptimit për mbulimin e pjesshëm të shpenzimeve për strehimoren për një periudhë tre vjeçare (2020-2022). Bazuar në nenet e këtij memorandumi, janë bërë kalkulimet konform obligimeve për secilën komunë, ndërsa Neni dy në pikën gjashtë specifikohet: „Nëse disa komuna vendosin ta rrisin kontributin e tyre me vetëdëshirë, kjo nuk do të ketë pasoja për obligimet e komunave tjera të përcaktuara me MM“. Shuma që duhet të përpjestohet për pesë komuna është 20,600.00 euro Shpenzime operacionale janë 2,150.00 € (10,750.00€ total) për secilën komunë, ndërsa shuma e mbetur përpjestohet duke u bazuar në përqindjen e rasteve të strehuara për secilën komunë.

Komunat	Numri i viktimave Janar-dhjetor 2021	Nr i viktimave %	Shpenzimet operacionale	Shpenzimet direkte	Total
Prishtinë	69	52%	2,150.00 €	5,122.00 €	7,272.00 €
Podujevë	9	7%	2,150.00 €	699.50 €	2,839.50 €
F. Kosovë	24	18%	2,150.00 €	1,773.00 €	3,923.00 €
Lipjani	16	12%	2,150.00 €	1,182.00 €	3,332.00 €
Obiliqi	14	11%	2,150.00 €	1,083.50 €	3,233.50 €

Shpresojmë në realizimin e kërkesës sonë.

Me respekt,

Zana Hamiti-Asllam

Drejtoreshë e QMGF-së





Republika e Kosovës
Republika Kosovo – Republic of Kosovo



Komuna
Prishtinë/Priština



Komuna
Lipjan/Lipljan



Komuna
Fushë Kosovë/Kosovo Polje



Komuna
Podujevë/Podujevo



Komuna
Obiliq/Obilić

MEMORANDUM MIRËKUPITIMI

NË MES TË

KOMUNËS SË FUSHË KOSOVËS
KOMUNËS SË LIPJANIT
KOMUNËS SË OBILIQIT
KOMUNËS SË PODUJEVËS
KOMUNËS SË PRISHTINËS

DHE

QENDRËS PËR MBROJTJEN E GRAVE DHE FËMIJËVE, PRISHTINË

Në pajtim me nenin 17.1 (k) të Ligjit për Vetëqeverisjen Lokale Nr. 03/L-040 (Gazeta Zyrtare e Republikës së Kosovës, nr. 28) dhe në pajtim me statutet e komunave respektive,

Komunat Fushë Kosovë, Lipjan, Obiliq, Podujevë dhe Prishtinë (në tekstin e mëtejshëm "komunat") në njëri-tjetër dhe

Qendra për Mbrojtjen e Grave dhe Fëmijëve Prishtinë, (në tekstin e mëtejshëm "strehimorja"), si palë pajtohen si më poshtë:

Memorandum i Mirëkuptimit (MM)

**Për mbulimin e pjesshëm të shpenzimeve për strehimoren për një periudhë tre (3) vjeçare:
2020, 2021, 2022**

Neni 1

Qëllimi i MM

1. Komunat zotohen të ofrojnë mbështetje financiare për strehimoren që ajo të kryejë funksionin e saj në mbrojtje të viktimave të dhunës familjare dhe atyre të dhunës gjinore.
2. Objekti i strehimores gjendet në komunën e Prishtinës dhe ju shërben të gjashtë (6) komunave të sipërpërmendura.

Neni 2

Obligimet e Komunave

1. Komunat do të kontribuojnë bashkarisht për nevojat financiare të strehimores duke u bazuar në Planin Vjetor Financiar dhe Operacional të strehimores.
2. Kontributi financiar i secilës komunë përbëhet nga dy komponenta:
 - 2.1 Shuma e barabartë vjetore për secilën komunë për mbulimin e shpenzimeve operacionale dhe të mirëmbajtjes.
 - 2.2 Shuma e ndryshueshme vjetore, sipas nivelit dhe kostos së shërbimeve të ofruara për viktimat - banorë të komunave respektive, gjatë vitit të kaluar kalendarik.
3. Për vitin 2020, kontributi financiar për komunat është si më poshtë:

Komuna e Fushë Kosovës – EUR 3,400
Komuna e Lipjanit – EUR 3,000
Komuna e Obiliqit – EUR 2,500
Komuna e Podujevës - EUR 3,400
Komuna e Prishtinës– EUR 8,300

4. Për vitet 2021 dhe 2022, kontributet do të përlogariten sipas nenit 2, paragrafi 2 dhe metodologjisë së përcaktuar në Shtojcën 1.

5. Një grup i përbashkët pune me përfaqësues nga të gjitha komunat e përfshira do të përcaktojë kontributet për 2021 dhe 2022, jo më vonë se 20 janari i vitit respektiv. Këto vendime do të paraqiten në Shtojcën 1.

6. Nëse disa komuna vendosin ta rrisin kontributin e tyre me vetëdëshirë, kjo nuk do të ketë pasoja për obligimet e komunave tjera të përcaktuara në MM.

7. Fondet për kontributet do të alokohen nga kategoritë buxhetore Subvencione dhe Transfere dhe do të transferohen në llogarinë e strehimores në një pagesë të vetme, jo më vonë se data 31 janar e secilit vit fiskal.

Neni 3

Obligimet e strehimores

1. Strehimorja do të dorëzojë një kërkesë zyrtare për ndihmë financiare bashkë me Planin Vjetor Financiar dhe Operacional të komunat, jo më vonë se data 15 janar në vitin për të cilin ndihma kërkohet.
2. Strehimorja është e obliguar të dorëzojë një raport financiar tre (3) muajor bashkë me faturat përkatëse të komunat.
3. Strehimorja është e obliguar të dorëzojë një raport financiar vjetor jo më vonë se data 31 dhjetor. Raporti duhet të përmbajë një pasqyrë statistikore që tregon se sa viktima ka shërbyer strehimorja gjatë vitit dhe nga cilat komuna vijnë ato.
4. Në rast të mosrespektimit të ndonjërit nga paragrafet e nenit 3, komunat kanë të drejtë të mos kryejnë pagesat respektive deri sa të zbatohen obligimet.

Neni 4

Dispozitat përfundimtare

1. Kryetarët e komunave do të sigurojnë implementimin e plotë të këtij MM.
2. MM do të nënshkruhet në gjashtë (6) kopje origjinale dhe secila palë do të ketë një kopje.
3. MM hyn në fuqi ditën e nënshkrimit.
4. MM do të publikohet në uebfaqet e komunave.


Neni 5

1. Mosmarrëveshjet mes palëve do të zgjidhen me vullnetin e mirë të palëve.

Prishtinë, data

Nënshkruesit e Memorandumit të Mirëkuptimit


PËR KOMUNAT:


Kryetari

Komuna e Fushë Kosovës



Kryetari

Komuna e Lipjanit



Kryetari

Komuna e Obiliqit

PWR STREHIMOREN



Kryetari

Komuna e Podujevës


Kryetari

Komuna e Prishtinës

PËR STREHIMOREN


Drejtori

Metodologjia për përcaktimin e kontributeve për komunat, për vitet 2021 dhe 2022

1. Shpenzimet vjetore të strehimores (sipas Planit Vjetor Financiar dhe Operacional)
2. Kontributet e Ministrisë së Punës dhe Mirëqenies Sociale
3. Shuma totale e kontributeve vjetore sipas MM: #1 - #2.
4. Përcaktimi/përlllogaritja e kostos së mirëmbajtjes së strehimores (sipas Planit Vjetor Financiar dhe Operacional)
5. Përlllogaritja e kontributeve financiare individuale (Komponenta 1): #4 / 6
6. Përcaktimi/përlllogaritja e kostos së shërbimeve të ofruara nga ana e strehimores (sipas Planit Vjetor Financiar dhe Operacional)
7. Përcaktimi/përlllogaritja e % së viktimave nga secila komunë, në raport me numrin total të viktimave (sipas Raportit Vjetor Financiar).
8. Përlllogaritja e kontributeve financiare individuale (Komponenta 2): #6 * #7.
9. Kontributi final vjetor për komunë: #5 + #8.